



江蘇省地方志編纂委員會辦公室編

江蘇歷代方志全書

43



江蘇省地方志編纂委員會辦公室編

 鳳凰出版社

江蘇歷代方志全書

43

蘇州府部





圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書名	江蘇歷代方志全書·蘇州府部
編者	江蘇省地方志編纂委員會辦公室
責任編輯	王劍 王愛榮 吳瓊 顧娟 崔廣洲
裝幀設計	姜嵩
出版發行	鳳凰出版傳媒股份有限公司 鳳凰出版社(原江蘇古籍出版社) 發行部電話 025-83223462
出版社地址	南京市中央路165號, 郵編: 210009
出版社網址	http://www.fhcbs.com
印刷	揚州文津閣古籍印務有限公司 揚州市開發區鴻揚路22-2號(6幢), 郵編: 211153
開本	889×1194毫米 1/16
印張	3253. 25
版次	2016年7月第1版 2016年7月第1次印刷
標準書號	ISBN 978-7-5506-2317-0
定價	79200. 00圓(全九十九冊)

(本書凡印裝錯誤可向承印廠調換, 電話: 0514-87969255)

民國吳縣志(十二)

曹允源等纂修



第四十三冊目錄

民國吳縣志（十一）

.....

〇〇一

吳縣志卷第六十七

列傳五

長洲縣

唐

陸龜蒙字魯望元方七世孫父賓處以文歷侍御史龜蒙少高放通六經大義尤明春秋舉進士一不中往從湖州刺史張搏游歷湖蘇二州辟以自佐嘗至饒州三日無所詣刺史蔡京率官屬就見之龜蒙不樂拂衣去居松江甫里多所論撰雖幽憂疾病貨無十日計不少輟也文成竄竊篋中或歷年不省爲好事者盜去得背熟誦乃錄繹比勸勸朱黃不去手所藏雖少其精皆可傳借人書寫帙壞外必爲紙號刊正樂聞人學講論不倦有田數百畝屋三十楹田苦下雨潦則與江通故常苦饑身存而利無休時或譏其勞客曰堯舜徵瘠禹胼胝彼聖人也吾一褐衣敢不動乎嗜茶置園顧渚山下歲收茶租自判品第張又新爲水說七種其二惠山泉三虎邱井六松江人助其好者雖百里爲致之初病酒再期乃已其後客至絮燂置榻不復飲不喜與流俗交雖造門不肯見升舟設簾席

足

系

七

卷六十七

列傳五

步 第 二 十 一

束書茶竈筆牀釣具往來時聞江湖散人或號天隨子市里先生自比涪翁漁父江上丈人後以高士召不至李蔚慮擯素與善及當國召拜左拾遺詔方下龜蒙卒光化中京莊表龜蒙及孟郊等十人皆贈右補闕

唐書

宋

劉少逸年十一文辭精敏有老成體其師潘嗣撫以見長洲令王元之吳縣令羅思純以所作贊二令二令名重當時疑其假手未之信因試與之聯句略不淹思思純曰無風燈燄直少逸曰有竹月陰寒元之曰一回酒渴思吞海少逸曰幾度詩狂欲上天凡數十聯皆敏妙二公驚異聞於朝賜進士及第官止尚書員外郎

吳郡志

胡稷言字正思其先婺州永康人兵部侍郎則之從子少學古文於宋祁嘗獻時議於范仲淹復從胡瑗學以特奏補官調管陵尉歷鄞縣簿山陰承自度不能究其所施遂致仕所居臨頓里唐陸龜蒙舊址也築圃鑿池追陶靖節之風種五柳以名其堂清修寡欲延納後進日哺後不復飲食客至蕭然具湯一杯而已卒年八十餘子暉字仲述委棄槁懸恬於榮利與方惟深林處爲忘年交後以年格建炎登極推恩調迪功郎安遠尉非其好也

所居五柳園松窗蓬戶步趨言動皆有尺度賓嘉饗祭率循古法用杜詩名所居曰如村自號如村老人紹興中卒年七十九子百能字少朋紹興進士知江山縣有惠愛乾道初授諸王宮大小學教授致仕歸築堂曰宜休卒年七十四

乾隆志

方惟深字子通本莆田人父繼年官至屯田郎卒葬長洲因家焉惟深鄉貢第一試禮部不第卽棄去有田一廛與其弟躬耕閒則讀書至於黃帝老莊之言養生爲壽者之說及西方別傳皆得其大指尤長於詩每一篇出人爭傳誦王安石稱其精純驚絕元白皮陸有不到處惟深雖游安石之門無一毫迎合意文學行義與朱長文同爲一時所宗元符初郡將適於朝崇寧中復以遺逸應詔皆不起有司舉貢籍以年格得興化軍助教就賜教牒袍笏於家初年四十無子其弟有子謂吾先人有後足矣卽屏居於外所知死則喪葬皆有治命年八十三

乾隆志

楊鏐孺字彝甫其先自浦城徙長洲以行義隱處與方惟深同時號吳中二老鏐孺少孤力學言行相顧朝無夕儲讀詩如也神爽氣昌未嘗有憂雖閭里不盡知其貧崇寧二年特奏名後闕南昌簿居一年忽載妻子歸吳卽告老以承奉郎致仕平居直心自信

吳

系

志

卷六十七

列傳五

二

步 第 三 十

不知世間有傾巧事自未仕及老於家不入州縣不事鄉里請謁開一過所親厚歲不過數四雖嘗出仕而人猶謂隱者

吳郡志

林處字德祖父且自有傳見後處少穎悟絕人能傳父祖業伯父希賢獲古鏡背有龍朔二字處從旁曰是非唐大帝時物乎希奇之曰是兒眉過於目當復以文名可繼其祖矣遂以德祖字之既長益刻苦自淬厲故其學早成登紹聖四年進士第除潤州教授入爲太學錄復教授常州常號多士籍於學者千餘人時方以三舍取士乃身爲勸率從者風靡大觀三年廷試常士預選者五十三人上賜詔曰進賢受上賞知州教授特轉一官處山奉議郎改宣德郎知州徐中於學南立進賢坊榮賜亭以侈之在職六年學者信服遐揚州教授擢河北西路提舉學事陞對曰上首以久歷師儒顧問甚渥且使偏行所部推廣風旨處頓首奉詔因請加鄉貢二國公諡復捐公解榮圖歸於學除開封府左司錄以府尹不之禮上章請老夜自書牘旦報可家人無知者即日束裝出國門士大夫奔走出餞皆不及既歸杜門一室不入州縣無一言及時事爲人強敏有志操自六經諸子而下錯綜貫穿無不記誦爲文章捉筆數百言閱易數暢初若不經意然論辨研覈皆有抵宿晚

好浮屠說不肉食者十四年始疾仰不呼醫遽卒卅亂年六十六所居大營坊自號大雲翁

葉夢得字少蘊清臣從曾孫

也作人

嗜學早成多識前言往行談論靡靡不窮紹聖四年登

進士第徽宗朝用蔡京薦召對言自古帝王爲治必先自治其心上異其言特遷祠部郎官大觀初京再相向所立法度已罷者復行夢得言周官太宰以八柄詔王馭羣臣所謂廢置賞罰者王之事也太宰得以詔王而不得自專夫事不過可不可二者而已以爲可而出於陛下則前日不應廢以爲不可而不出於陛下則今日不可復若徒以大臣進退爲可否無乃陛下有未了然於中者乎上喜曰邇來士多朋比媒進卿言獨無觀望遂除起居郎累遷翰林學士蔡京初欲以京貫撫陝西取資唐夢得見京曰祖宗時宜撫使皆是見任執政未有以中人爲之昨除貫節度使天下皆知非祖宗法今又付以執政之任使得資唐何以處之京有慚色然卒用貫取資唐政和五年知穎昌府發常平粟振民常平使劉寄惡之宦官楊戢川事寄括都內得常平錢五十萬緡請糴杭米輸後苑以媚戢戢委其屬持御筆來賁以米樣如蘇州夢得上疏極論穎昌地力與東南異願隨品色

吳

系

志

卷六十七

列傳五

三

不報時旁部利民輸緡就緒京師怨聲載道獨賴呂賴夢得免李彥括公田以點吏告訐籍州城舞陽隱田數千頃民詣府訴者八百戶夢得上其事捕吏按治之郡人大悅戡彥交怒尋提舉南京鴻慶宮高宗駐蹕揚州陳待敵之計有三曰形曰勢曰氣因請上南巡阻江爲險又請命重臣爲宣總使一居泗上總兩淮及東方之師以待敵一居金陵總江浙之路以備退保疏人不報紹興初起爲江東安撫大使兼知建康府兼壽春等六州宣撫使會王才降劉豫引兵入寇夢得遣使張偉諭才降之以其衆分隸諸軍遂叛將寇宏陳卞離陽受朝命陰與豫通夢得諭以禍福皆聽命及豫入寇卞擊敗之八年除江東安撫制置大使兼知建康府行宮留守又奏防江指畫八事金宗弼犯含山進逼歷陽夢得勸張俊趣諸軍進發聲勢大振金人退屯昭關明年金復入寇遂至柘皋夢得團結沿江民兵數萬分據江津遣千楫將千人守馬家渡金兵不得渡而去初建康屯兵歲費錢八百萬糶米八十萬斛樁貨務所入不足以支至是禁旅與諸道兵咸集夢得兼綜四路漕計以給餉餉軍用不乏故諸將得悉力以戰詔加觀文殿學士移知福州兼福建安撫使海寇朱明猖獗詔夢得挾御前將士便道之鎮遂平寇五十餘郡拜崇信軍節度使致

仕十八年卒於湖州贈檢校少保

宋史

胡元質字長文父珣治生大穡所親爲之宰負金萬數珣焚其書待之如常元質少穎悟尙行義未冠游太學紹興十八年進士第初寓臨安開邵有貧士夜哭乃爲人資償還其女與別元質慨然垂髮予之光宗卽政以薦爲太學正歷祕書省正字校書郎禮部兼兵部選右司侍經帷直史筆參掌內外制給事黃門知貢舉嘗極論人主一言一動不可不謹至累百言帝書之座右恩眷特厚爲書王褒聖主得賢臣頌及親製大才論以賜出守和州太平建康皆有政績淳熙中爲四川制置使知成都奏減蜀鹽虛額錢大略謂鹽井重額沈痼百姓垂五六十年蓋蜀鹽取之於井山谷之民相地穿鑿深至六七十丈幸而得泉以石鑿砌大者方五六尺以木革爲篋數十人引大繩汲取之自子至午泉脈漸竭乃縱人入井以手掬取投之於井引繩而上此數十人晝夜號呼推車挽繩不得停息然後得水入甕燒煎成鹽比東南煮海與陝西解池工力百倍又有小井謂之卓筒大不過數寸深亦數十丈以竹筒設機抽泉窮日之力所得無幾鹽戶窮困可以概見解池則不須煎煮止於池旁各分畦隴導水而入一夕得風並皆凝結鹹水之在江海既無限煎又省

七

系

五

卷之二十一

列傳五

四

吳縣志 卷六十七

工役故其鹽沛然有利無害四川產鹽地分除大寧監依山崖間鹹泉流出若小谿淵稍易分結燒煎其他州縣皆係鹽井汲泉煎煮大段費力簡州鹽額最重歲額尤多山是每歲計帑除折估錢五萬四千九百餘貫又請鑄變路九州民間歲置金銀重幣蜀人德之關外西河階成鳳四州所聚民兵謂之忠勇皆以土兵爲之先是虞允文團結二千九十四人其後不能增募元質奏令四州守臣添招仍立賞格詔每州各先募五百人又癸唐之季年吐蕃寇至必入黎文南詔寇至必入沈黎吐蕃南詔合入寇必出瀘口其黎文兩州去成都尚千里關隘險阻足以阻隔惟瀘口一路去成都止百里又皆平陸朝發夕至大率沿邊諸州城資堡皆以爲蔽堡皆賴州城以爲援惟威茂兩州其堡皆參錯於中州城孤立於外而屬郡蕃落周分環據二三百里之間官路僅留一線遠於兩州若邊事不寧孤城坐見隔絕所奏利害似此者尙多元質吳中祿居卽程公闢南園故址旣歸杜門自適華祠逾六七年以正奉大夫敷文閣學士致仕卒年六十三贈金紫光祿大夫少師諡獻惠平居未嘗疾言厲色及訐人短長或告以人之傾己輒俯首欲寐好善樂施家貨多推予諸弟人皆義之

志

林樸字伯振乾道中與弟琰同舉進士爲長興簿知武昌縣嘗云交代有子孫之契不宜交惡金穀倘有虧欠當卽與交頭無令滯其批書時人稱其長厚琰字玉圭潛家書

黃山字子山弱冠有聲太學淳熙八年進士第一時甘昇爲入內押班川事二十年招權市賄與曾觀王忬相盤結山對策及之吳自設科以來山始冠多士授南安軍簽判秩滿通判紹興府往新嵎忬行荒政山改糶爲賑損發米五萬石予民不取其直除正字遷著作佐郎使金還遷將作監嘉王府贊讀紹熙五年孝宗疾亟光宗不能視疾人情益懼山請嘉王過重華宮問安孝宗爲感動寧宗卽位累擢權禮部尙書兼吏部將大川矣會知綿州王沈朝辭乞詔廟堂銓選若嘗受僞學處舉降改及衆論指爲僞黨者籍記姓名且與勿川山奏謂人主不可待天下以黨與不必置籍以示不廣繼據沈利路轉運判官山亦出知成都殿中侍御史張巖奏山阿附權臣植立黨與遂以雜學士奉祠嘉定初知紹興府浙東安撫使開嵎縣昔有虎患訛言謂虎歲久有神變化巨測或爲僧形或爲獾狙僞忽莫可蹤跡山禱於神厚賞募人捕之殄滅無遺賴民賴以安三年除刑部尙書兼直學士院官至正奉大夫自號盤野居士卒贈少師

趙

足

系

志

卷

六

二

列傳五

五

顏直之字方叔生而端厚穎悟好讀書以弓矢應格差監省倉卽丐祠養親主管建昌軍仙都觀自號樂閒居士作退靜齋幅巾危坐焚香撫琴意泊如也平生施與尤樂以藥石濟病賴以全活者甚衆工小篆得祖楚文筆意年五十一以嘉定十五年卒子汝助字元老有清行好爲詩亦工篆簡以表兄少傅趙師賁鄭恩奏得官累至朝散大夫

志

阮登炳字顯之其先山陰徙吳遂爲長洲人世習禮記淳祐六年與計偕咸淳初免上南宮以亮陰賜狀元恩例授承事郎紹興府簽判福王府教導官改承議郎祕書省正字以論公田抗言迂衆斥予官觀自號菊存居士閱二載起爲建寧府添差通判入爲祕書省校書郎祕書監丞權少監陞祕書監官至朝請郎元兵取臨安隨例入燕以疾還鄉里年八十二卒

志

鄭虎臣名景召以字行居鶴舞橋東以贊雄於鄉德祐元年賈似道循州安置遣使監押之貶所虎臣時爲會稽縣尉以父嘗爲似道所配欲報之欣然請行時似道寓建寧之開元寺侍妾尚數十人虎臣至悉屏去撤轎蓋暴行秋月中令兒輩夫唱杭州歌謠之每名斥似道容辱備至一日入古寺壁上有吳潛南行所題字虎臣呼似道曰賈團練吳丞相何

以至此似道慚不能對卅次南劍州黯淡灘虎臣曰水清其何以不死於此似道曰太皇
許我不死候有詔即死十月至漳州木棉庵虎臣曰吾爲天下殺似道雖死何憾遂拘其
子與妾於別館卽則上拉其胸殺之陳宜中至福州捕虎臣斃於獄通鑑綱目
姚原字子采七歲而孤自知讀書舉進士以詞賦稱再試不合輒棄去曰窮達有分名不我
遂命也山是絕意仕進務著述號北窗居士朱思銘

元

袁易字通甫五世祖珣宋京西提刑南渡時葬於吳曾祖璣始家於長洲之蛟龍浦易不樂
仕進東平徐公持部使者節聞其名延見與語大悅將薦之力謝不可徐公益賢之已而
行中書省署石洞山長乃就職既歸卒隱弗仕卽所居西偏爲堂曰靜春壘水成池周於
四隅池上累石如山堂中有書萬卷悉手所校客至縱飲劇談留連竟夕乃已少敏於學
繚積之素一發於詩吳興趙公嘗贊袁安臥雪圖以道之曰予作此圖正以通甫好修之
士景慕其高節爾卒年四十五通志子泰字仲長孫資福字能伯皆有詩名兼精書法縣志
陸德原字靜遠甫里人天隨先生之後好學博古尊師敬友雖貧賸力給謙恭若出諸生之

是系

五

卷六

列傳五

六

下憤市里之學不傳作義塾於城南祀天隨子撥良田千畝以給學徒遺重幣迎名儒張
璠柳貫爲之師中書省予額曰市里書院署德原爲山長長洲縣學久廢德原以已貨重
建秩滿陞徽州路學教授徵學亦久廢又將以已貨新之市材於吳屬疾卒年五十九家
有杞菊軒人稱爲杞菊先生

乾隆志

李世英字伯英精六書作韻類三十卷其書以字爲本音爲幹義訓爲枝葉自一而二非井
不兼凡十年而成書從子文仲又本說文作字鑑五篇辨點畫刊除舛誤以備一家之言
干文傳黃潛爲之序

乾隆志

浦源至正間仕至大中大夫廣平路總管輕車都尉封京兆郡侯初未聞其有文學名嘗於
景德寺旁見一石刻乃源爲同僉阿札刺室人童氏祠記其文宏博怪特字畫遒勁足爲
名家

貼蘇志

邊景元字長卿宋朝奉大夫珣八世孫自幼端謹喜讀書以累世明於春秋嘗指堂扁世麟
二字以示子孫曰此宋丞相文天祥手書以美吾祖者也吾子孫可忘其家業乎元初由
晉陽教諭轉處州路學錄廷臣交薦爲國子伴讀以病辭居鄉里教生徒會長洲邑庠久